

«Էդիթ Պրինտ» հրատարակչություն

# Ավարտական հետազոտական աշխատանք

Թեմա՝ Ինտեգրված պարապմունքների կազմակերպումը՝  
կարողունակահեն կրթական մոտեցման համատեքստում

Հաստատություն՝ «Երևանի հ. 109 մսուր-մանկապարտեզ» ՀՈԱԿ

Դաստիարակ՝ Թովմասյան Ռոմելա

Ղեկավար՝ Ավետիսյան Ժաննա

Երևան 2023

## Բովանդակություն

Ներածություն.....	3
Գլուխ 1. Նախադպրոցական կրթության պետական կրթական չափորոշիչ.....	5
Գլուխ 2. Ինտեգրված պարապմունք.....	6
Ջետազոտական մաս.....	11
Եզրակացություն.....	16
Գրականության ցանկ.....	17

## Ներածություն

Ավարտական հետազոտական աշխատանքի թեման է «Ինտեգրված պարապմունքների կազմակերպումը՝ կարողունակահեն կրթական մոտեցման համատեքստում»:

Նախադպրոցական տարիքի երեխան շրջապատող աշխարհն ընկալում է ամբողջությամբ: Բնականաբար, նախադպրոցական հաստատություններում կրթա-դաստիարակչական գործընթացի իրականացումն այսօր դաստիարակեց պահանջում է որոնել երեխաների ճանաչողական գործունեության կազմակերպման նոր ու արդյունավետ ձևեր և մեթոդներ: Ինտեգրված պարապմունքների արդյունքում ունենում ենք օբյեկտի (առարկա կամ երևույթ) բազմակողմանի քննություն, շրջակա աշխարհի իմաստալից ընկալում, գիտելիքների համապատասխան համակարգի ձևավորում, երևակայության խթանում, ստեղծագործական հետաքրքրությունների և դրական հուզական տրամադրության ապահովում:

Ավարտական հետազոտական աշխատանքի կարևորությունը պայմանավորված է հետևյալ գործոններով: Նախ պետական չափորոշիչի հիմքում նախադպրոցական տարիքի երեխաների կարողունակությունների վրա հիմնված մոտեցումն է: Ինտեգրված պարապմունքների միջոցով հնարավոր է դառնում ձևավորել կենսականորեն անհրաժեշտ զանազան կարողունակություններ (որոնք առավել մանրամասն նկարագրել ենք բուն տեքստի մեջ):

Աշխատանքի հիմնական նպատակներն են՝

- Ներկայացնել պետական չափորոշիչով նախատեսված կարողունակությունները, որոնց պետք է տիրապետի նախադպրոցականը: Ներկայացնել ինտեգրված պարապմունքը, դրա առանձնահատկությունները:
- Ներկայացնել ինտեգրված պարապմունքի կազմակերպումը կարողունակահեն կրթական մոտեցման շրջանակներում:

Աշխատանքի հիմնական խնդիրներն են՝

- Ներկայացնել թեմայի վերաբերյալ մասնագիտական գրականության մեջ առկա կյուլթերը:

- Ներկայացնել մեր կողմից իրականացված ինտեգրված դասը, վերլուծել և ներկայացնել արդյունքները:

Աշխատանքը կազմված է ներածությունից, երկու գլուխներից, եզրակացությունից և օգտագործված գրականության ցանկից: Աշխատանքը բաղկացած է 17 էջից:

## **Գլուխ 1. Նախադպրոցական կրթության պետական կրթական չափորոշիչ**

Նախադպրոցական կրթության պետական կրթական չափորոշիչը (այսուհետ՝ չափորոշիչ) հանրակրթության պետական կրթական չափորոշիչի բաղկացուցիչ մաս կազմող նորմատիվ իրավական ակտ է, որը սահմանում է նախադպրոցական տարիքի երեխաների (ըստ տարիքային խմբերի) զարգացման կրթական ծրագրերի բովանդակությունը, նրանց ներկայացվող վերջնարդյունքները, ուսումնական բեռնվածության առավելագույն ծավալը, նախադպրոցական տարիքի երեխաների կրթության և զարգացման վերջնարդյունքի ապահովման հիմքերը:

Չափորոշիչի հիմքում նախադպրոցական տարիքի երեխաների կարողունակությունների վրա հիմնված մոտեցումն է:

Կարողունակությունները նախադպրոցական տարիքի երեխաների կողմից ուսումնառության և դաստիարակության գործընթացում ձեռք բերված գիտելիքի, հմտությունների, արժեքների և դիրքորոշումների հիման վրա ըստ իրավիճակի արդյունավետ ու պատշաճ արձագանքելու ձևեր են: Նախադպրոցական տարիքի երեխաների կարողունակությունները ձևավորվում են ուսուցման և դաստիարակության կազմակերպման միջոցով:

Նախադպրոցական տարիքի երեխաների զարգացման և կրթական վերջնարդյունքները նկարագրում են, թե ինչ պիտի իմանա, կարողանա անել և հասկանա վեց տարեկան երեխան: Վերջնարդյունքներն ուղղված են կարողունակությունների ձևավորմանը:

Նախադպրոցական կրթության կարողունակություններն են՝

- 1) լեզվական և հաղորդակցական կարողունակություն
- 2) ճանաչողական և մոտիվացիոն կարողունակություն
- 3) ինքնաճանաչողական և սոցիալական կարողունակություն
- 4) ժողովրդավարական և քաղաքացիական կարողունակություն
- 5) թվային և մեդիա կարողունակություն
- 6) մշակութային կարողունակություն
- 7) մաթեմատիկական և տեխնիկական կարողունակություն
- 8) տնտեսական կարողունակություն

9) ֆիզիկական կուլտուրայի կարողունակություն:<sup>1</sup>

## **Գլուխ 2. Ինտեգրված պարապմունք**

Նախադպրոցական կրթության կարևոր նպատակներից է երեխաների մեջ սերմանել և մշակել այնպիսի որակներ ու հատկություններ, ինչպիսիք են՝ քննադատական մտածողությունը, հետաքրքրասիրությունը, անմիջականությունը, զարմանքը, երևակայությունը, աշխատանքից գեղագիտական հաճույք ստանալը: Բոլոր երեխաներն ունեն այս հատկությունները փոքր հասակում, բայց հաճախ կորցնում են դրանք կյանքի առաջին տասնամյակում: Մինչդեռ այս հատկությունները կարևոր դեր են խաղում սովորելու գործընթացում: Մյուս կողմից՝ աշխարհը միասնական է և երեխան այն ընկալում է որպես ամբողջական միասնություն: Ուստի շրջապատող աշխարհին երեխային ծանոթացումը, հատկապես վաղ տարիքում, չի կարելի մասնատել այսպես կոչված «առարկաների» (մայրենի, մաթեմատիկա, բնագիտություն, երաժշտություն և այլն), դա կարող է աշխարհի մասին մասնատված պատկեր ստեղծել: Այս խնդրի լավագույն լուծումը ինտեգրված ուսուցումն է, երբ իրեն շրջապատող աշխարհի որևէ կոնկրետ երևույթ երեխան ուսումնասիրում է միաժամանակ մի քանի տեսանկյունից (ուսումնասիրում է, հասկանում, հաշվում այն, փորձում ու փորձարկում, նկարում, ծեփում, խոսում և երգում դրա մասին, խաղարկում դրա հետ կապված իրավիճակներ և այլն): Նշված նպատակին հասնելու արդյունավետ ուղիներից մեկը ուսումնառությունը ինտեգրված թեմատիկ դասերի միջոցով կազմակերպելն է<sup>2</sup>:

Թեմատիկ դասերը որևէ կոնկրետ թեմա, երևույթ ուսումնասիրելու ընթացքում կարևորում են գործունեության այն ձևերը, որոնք պահանջում են ինքնուրույն մտածողություն, նախաձեռնություն, համագործակցություն, հնարամտություն,

---

<sup>1</sup> Նախադպրոցական կրթության Պետական կրթական Չափորոշիչը Հաստատելու Մասին Որոշում, Հայաստանի Հանրապետության Կառավարություն, 13 Մայիսի 2021 Թվականի N 744-Ն  
<https://www.arlis.am/DocumentView.aspx?DocId=152575>

<sup>2</sup> Ծառուկյան Ռ., Սմբատյան Լ., Մանուչարյան Ս., Գյուրջյան Ա., Մկրտչյան Մ., 3-6 տարեկան երեխաների կրթական ծառայությունների կազմակերպումն այլընտրանքային մոդելներով, Դաստիարակի ուղեցույց, Երևան 2018, 126:

անձնական կարգապահություն, շրջապատում կատարվող փոփոխությունների ճիշտ ընկալում: Թեմատիկ ուսուցումն ապահովում է երեխայի զարգացման մտավոր, սոցիալական, հուզական, ֆիզիկական և գեղագիտական ոլորտների համակողմանի զարգացումը և չի սահմանափակվում մեկ առանձին ոլորտով: Շատ կարևոր է նաև հոգատար, աջակցող միջավայր ստեղծելը, քանի որ միայն այսպիսի միջավայրում են մեծանում բազմակողմանի զարգացած, ուսման մեջ հաջողություններ դրսևորող երեխաները: Թեմատիկ պարապմունքների ժամանակ դաստիարակը գիտակցաբար այնպես է անում, որ երեխաները զգան մեծահասակների հոգատարությունը, շահագրգռվածությունը երեխաների ուսման հարցում: Երեխաների սովորելու ընթացքում դաստիարակները և ծնողները զրուցում են նրանց հետ՝ ողջ ուշադրությունն ու էներգիան կենտրոնացնելով ուսման բովանդակության վրա: Աստիճանաբար ավելի ծավալուն և անկեղծ դարձող երկխոսությունների միջոցով նրանք զարգացնում են երեխաների մտածողությունը: Այսպիսի մթնոլորտը զարգացնում է երեխաների մտավոր և լեզվական ունակությունները և ինքնավստահություն է ներշնչում նոր ձեռք բերած գիտելիքները կիրառելու համար<sup>3</sup>: Թեմատիկ ուսուցումից բոլորն էլ շահում են:

- հոգատար են միմյանց նկատմամբ,
- հետաքրքիր կապեր են ստեղծում,
- կատարելագործում են շփման և երկխոսության հմտությունները,
- ձևավորվում են որպես համայնքի անդամներ:

Թեմատիկ ուսուցումը ենթադրում է ուսումնական ծրագրի տարբեր բաժինների միջև կապերի ստեղծում, ինտեգրում՝ մեկ հետաքրքիր նյութ ուսումնասիրելու միջոցով, որի մեջ ամփոփված են բովանդակային միավորներ ծրագրի տարբեր բաժիններից: Ինտեգրված թեմատիկ ուսուցման ծրագիրն այնպես է կազմվում, որ երեխաները տեսնում և հասկանում են առարկայական ոլորտների միջև եղած կապերը և նրանց կապը կյանքի հետ: Թեմատիկ ուսուցումը հնարավորություն է տալիս մանկավարժին ծրագիրը կազմակերպել երեխաներին հետաքրքրող թեմաների, խնդիրների կամ կենսական հարցերի շուրջ: Թեմատիկ ուսուցումը միջառարկայական է, ինչպիսին ինքը՝ կյանքն է: Այս փաստը երեխաների համար անմիջապես նշանակալի է դառնում, երբ լուծելու համար նրանց է ներկայացվում մի

<sup>3</sup> Ծառուկյան Ռ., Սմբատյան Լ., Մանուչարյան Ս., Գյուրջյան Ա., Մկրտչյան Մ., նշվ. աշխ., էջ 127:

«իսկական» ինդիր կամ ուսումնասիրության ենթակա մի նոր գաղափար: Ուսումնասիրվող թեմայի կամ ծրագրի մեջ երեխայի հետաքրքրություններին կենտրոնական տեղ հատկացնելով՝ ապահովվում է երեխաների շահագրգռվածությունն ու հետաքրքրասիրությունը թեմայի նկատմամբ:

Թեմատիկ դասերի ծրագրման ժամանակ մանկավարժը պետք է հաշվի առնի հետևյալը.

- Արդյո՞ք թեման համապատասխանում է երեխաների հետաքրքրություններին:
- Ընտրված թեման նպաստո՞ւմ է երևակայության ու ստեղծագործական մտածողության խթանմանը:
- Հնարավո՞ր է ընտրած թեման անցնել այնպես, որ ապահովվի բազմամակարդակ մասնակցությունը, և միաժամանակ յուրաքանչյուր երեխայի գործադրած ջանքը պսակվի հաջողությամբ:
- Երեխաները հնարավորություն կունենա՞ն համագործակցելու և որոշակի պատասխանատվություն կրելու:
- Երեխաները հնարավորություն կունենա՞ն ավելացնելու իրենց գիտելիքները և փորձը առարկաների, մարդկանց և իրենց շրջապատում տեղի ունեցող իրադարձությունների վերաբերյալ<sup>4</sup>:

Ինտեգրված պարապմունքի կառուցվածքին ներկայացվում են հետևյալ պահանջները

- Թեմայի ընտրություն
- Ուսումնական նյութի մասին նախնական տեղեկատվության ձեռքբերում
- Ինտեգրվող բաղադրիչների ընտրություն /բնություն, գեղարվեստական գրականություն, երաժշտական ստեղծագործություններ, մշակութային կենցաղա- վարություն, շրջապատող իրականության երևույթներ և իրադարձություններ/
- Ուսուցման սկզբունքի ընտրություն
- Ինտեգրման մեթոդի ընտրություն
- Հստակություն, հետևողականություն

---

<sup>4</sup> Ծառուկյան Ռ., Սմբատյան Լ., Մանուչարյան Ս., Գյուրջյան Ա., Մկրտչյան Մ., նշվ. աշխ., էջ 128:



- Պարապմունքի յուրաքանչյուր փուլում ինտեգրվող առարկաների կանխատեսված և գիտակցված փոխադարձ կապի ապահովում:<sup>5</sup>

Հաշվի առնելով նախադպրոցական տարիքի երեխաների մտավոր գործունեության առանձնահատկությունները՝ պարապմունքի ժամանակ անհրաժեշտ է կիրառել մեծ քանակությամբ դիդակտիկ նյութեր և պարագաներ (սկարների ցուցահանդես, կենցաղային ապրանքներ, թեմայից բխող առարկաներ, մուլյաժներ և այլն): Դրանք անհրաժեշտ է դասավորել այնպես, որ երեխաները կարողանան ազատ մոտենալ դրանց, ուսումնասիրել և օգտագործել: Ինտեգրված պարապմունքների կարևոր առանձնահատկություններից է նաև երեխաների շարժունության ապահովումը:

Ինտեգրված պարապմունքները երեխային թույլ են տալիս իրականացնելու իր ստեղծագործական բոլոր հնարավորությունները. նա մտածում է, տրամաբանում, երևակայում, հետազոտում: Հարստանում է բառապաշարը, զարգանում են հաղորդակական կարողությունները: Ինտեգրված պարապմունքի դրական կարևոր հատկանիշներից մեկն այն է, որ այն անց է կացվում խաղերի տեսքով՝ իր մեջ ներառելով մի շարք շարժողական գործուն իրավիճակներ՝ դինամիկ դադարներ, աշխուժացնող, թատերական խաղեր, թարմացնող վարժություններ:

Ինտեգրված պարապմունքը կառուցվում է մեկ ամբողջական գործունեության հենքով, որը միավորում է հսկայական տեղեկատվական դաշտ՝ փոխադարձ ներթափանցմամբ և ընդհանրացումներով: Ինտեգրված պարապմունքները սկզբունքորեն պահանջում են հստակ մտածողություն և տրամաբանություն ուսուցման բոլոր փուլերում: Սա նպաստում է համահավաք, կենտրոնացված ծրագրային նյութի յուրացմանը՝ փոխգործուն աշխատանքների կիրառմամբ<sup>6</sup>:

Ինտեգրված պարապմունքները դաստիարակի և հոգեբանի, մանկավարժի, երաժշտական ղեկավարի, ֆիզկուլտուրայի հրահանգչի համատեղ աշխատանքի արդյունք են: Այսինքն՝ մանկավարժական գործընթացը, որը հիմնված է ինտեգրման սկզբունքների վրա, խթանում է բոլոր մասնագետների ամուր կապը: Ինտեգրված

<sup>5</sup> Սմբատյան Լ., Ինտեգրված պարապմունքները՝ նախադպրոցականի համակողմանի ուսուցման ապահովման երաշխիք, Նախաշավիղ, 1. 2015, էջ 39:

<sup>6</sup> Նշվ. աշխ., էջ 38:

պարապմունքները երեխային տալիս են բավականին լայն և վառ պատկերացումներ շրջապատող աշխարհի մասին:

Մանկավարժության բնագավառի մի շարք տեսաբանների կարծիքով ինտեգրված ուսուցումը երեխաների մեջ խթանում է աշխարհի ամբողջական պատկերի ձևավորումը: Ինտեգրված պարապմունքների միջոցով հնարավոր է դառնում ձևավորել կենսականորեն անհրաժեշտ գանազան հմտություններ, հաղորդակցական տպավորություններով կիսվելու կարողություն և մշակույթ:

Շրջապատող աշխարհին ինտեգրված պարապմունքների ժամանակ ընկալվում է իր բազմազանությամբ և միօրինակությամբ՝ ապահովելով երեխայի ամբողջական պատկերացումներն ու բազմազան կապերը՝ տարբեր օբյեկտների և երևույթների միջև: Գործունեության տարբեր տեսակների շնորհիվ ինտեգրված պարապմունքների ընթացքում վերանում են հոգնածությունն ու լարվածությունը<sup>7</sup>:

Ազատ ժամանակ է մնում լրացուցիչ պարապմունքների և խաղերի համար: Ինտեգրված պարապմունքներն ինքնադրսևորման հնարավորություն են տալիս երեխաներին:

Պարբերաբար անցկացվող ինտեգրված պարապմունքներն առավելապես նպաստում են երեխայի խոսքի զարգացմանը: Նրա մեջ ձևավորվում են համեմատելու, ընդհանրացնելու, եզրակացնելու կարողություններ: Վերանում են լարվածությունը, ընդլայնվում է մտահորիզոնը:

---

<sup>7</sup> Սմբատյան Լ., Ինտեգրված պարապմունքները՝ նախադպրոցականի համակողմանի ուսուցման ապահովման երաշխիք, Էջ 42:

### **ԳԼՈՒԽ 3. Հետազոտական մաս**

#### **Ինտեգրված պարապմունք «Ձմեռ» թեմայով**

Ինտեգրված պարապմունքի նպատակն է խթանել երեխաների լեզվական և հաղորդակցական, ճանաչողական և մոտիվացիոն, մշակութային, մաթեմատիկական կարողունակությունները:

Անհրաժեշտ նյութեր և պարագաներ՝ համակարգիչ, նկարներ, ձմեռային բնապատկեր, նկարներ, գունավոր թղթեր, մկրատ, տոնաձառի խաղալիքներ:

Համակարգչով միացնում ենք տեսանյութ, տեսանյութում ձմեռային դրվագներ են, ձյուն է գալիս, երեխաները ձևագնդի, ձնեմարդ են պատրաստում, տոնաձառն են զարդարում:

*Դաստիարակ*

Ի՞նչ տեսակ տեսահոլովակում:

*Երեխա*

Ձյուն էր գալիս: Տոնաձառն էին զարդարում:

*Դաստիարակ*

-Երեխաներ Ե՞րբ է ձյուն գալիս:

*Երեխա*

-Ձմռանը:

*Դաստիարակ*

Ե՞րբ են տոնաձառը զարդարում:

*Երեխա*

Ձմռանը, Ամանորից առաջ:

*Դաստիարակ*

Ի՞նչ գիտեք ձմռան մասին, ի՞նչ գույնով կնկարագրեք ձմեռը:

*Երեխա*

Ձմռանը օրերը ցրտում են:

Ձմռանը պետք է ավելի տաք հագնվենք:

Ձմռանը մենք տոնում ենք Ամանորը:

Ձմռանը մեզ հյուր է գալիս Ձմեռ պապը:

Ձմռանը ձյուն է գալիս:

Ձմռանը հասնում է մանդարինը:

Ձմռանը թռչունները չվում են տաք երկրներ:

Ձմռանը ծառերը մերկանում են:

Ձմեռը սպիտակ գույն ունի, դա ձյան գույն է:

*Դաստիարակ*

Ի՞նչ տոներ ենք նշում ձմռանը:

*Երեխա*

Ամանորը:

Սուրբ Ծնունդը:

Բանակի օրը:

*Դաստիարակ*

Երեխաներ, իսկ գիտե՞ք որոնք են ձմռան ամիսները:

*Երեխա*

Դեկտեմբեր, հունվար, փետրվար:

*Դաստիարակ*

Ո՞ր եղանակին է հաջորդում ձմեռը:

*Երեխա*

Աշուն:

*Դաստիարակ*

Իսկ որ եղանակն է հաջորդում ձմռանը:

Գարուն:

*Դաստիարակ*

Այժմ խաղ կխաղանք: Պատին նախորոք փակցնում ենք նկարներ, որոնք արվել են տարվա տարբեր եղանակների և երեխաները հերթով պետք է ասեն, թե որ նկարը տարվա որ եղանակին է նկարվել: Ապա հաշվում ենք, թե տարվա որ եղանակը պատկերող քանի նկար կա:





Ապա կատարում ենք կոլեկտիվ աշխատանք՝ ապլիկացիա «Ցրտաշունչ ձմեռ» թեմայով:

Երեխաներին սովորեցնում ենք գունավոր թղթերից պատրաստել տոնածառ, ձնեմարդ, ձյան փաթիլներ, տոնածառի խաղալիքներ:



Ապա երեխաների հետ նամակ ենք գրում ձմեռ պապիկին, խնդրում, որ մեզ համար բերի սկերներ:

Միասին տեղադրում ենք տոնածառը և զարդարում:

## Եզրակացություն

Ինտեգրված պարապմունքները երեխային թույլ են տալիս իրականացնելու իր ստեղծագործական բոլոր հնարավորությունները. նա մտածում է, տրամաբանում, երևակայում, հետազոտում: Հարստանում է բառապաշարը, զարգանում են հաղորդակական կարողությունները: Ինտեգրված պարապմունքի դրական կարևոր հատկանիշներից մեկն այն է, որ այն անց է կացվում խաղերի տեսքով՝ իր մեջ ներառելով մի շարք շարժողական գործուն իրավիճակներ՝ դինամիկ դադարներ, աշխուժացնող, թատերական խաղեր, թարմացնող վարժություններ:

Հետազոտության արդյունքում, իրականացնելով ինտեգրված պարապմունք, մենք հասանք հետևյալ արդյունքներին:

Երեխաները ազատ հաղորդակցվում են, ինքնուրույն ձևակերպում են սեփական մտքերը, արտահայտում են իրենց վերաբերմունքը:

Երեխաները դրսևորում են ակտիվություն, հետաքրքրասիրություն, ճանաչողական հետաքրքրություն աշխարհի, առարկաների և երևույթների հանդեպ:

Շփման մեջ է մտնում, դրսևորում է ընկերակցելու, համագործակցելու հմտություններ: Ճանաչում է իր մոլորակը, մեր երկիրը, տոները,

Երեխան կարողանում է գնահատել գեղեցիկը:

Երեխան կարողանում է կատարել պարզ մաթեմատիկական գործողություններ, համեմատում հետազոտում է առարկաները:



## Գրականության Ցանկ

1. Նախադպրոցական Կրթության Պետական Կրթական Չափորոշիչը  
Հաստատելու Մասին Որոշում, Հայաստանի Հանրապետության  
Կառավարություն, 13 Մայիսի 2021 Թվականի N 744-Ն  
<https://www.arlis.am/Documentview.aspx?Docid=152575>
2. Ծառուկյան Ռ., Սմբատյան Լ., Մանուչարյան Ս., Գյուրջյան Ա., Սկրտչյան Մ., 3-  
6 տարեկան երեխաների կրթական ծառայությունների կազմակերպումն  
այլընտրանքային մոդելներով, Դաստիարակի ուղեցույց, Երևան, 2018:
3. Սմբատյան Լ., Ինտեգրված պարապմունքները՝ նախադպրոցականի  
համակողմանի ուսուցման ապահովման երաշխիք, Նախաշավիղ, 1. 2015, Էջ  
37-44: